

卷二



書名 宗子相集十四卷 嘉靖三十九年序刊本
 撰者 明 宗臣 撰
 卷 卷二
 內容分類 集- 別集- 明中葉
 索書號 集部- 別集- 7- 104
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

釣臺賦 有序

予聞嚴子釣臺舊矣丁巳秋予以叅

藩赴閩取道兩越始登厥臺徘徊焉

商飈西來萬山颯搖我心傷悲爰申

厥詞把酒放歌白雲莽互豈君之聞

歌而來哉

裳豈厭世之溷薄兮乃投情于幽渚將逐
吳雲以南征兮或戀燕都而北止或上而
獨駕乎玄螭兮將下而隨流乎赤鯉幽明
聚散之永隔兮予誠不知其故令名之兼
壽考兮自古以為難期回憲之不得永齡
兮千禩之所共悲予獨惜此芳艸兮乃不
得與衆卉而共萎陳一詞以托浮雲兮聊
寄予之遙思

宗子相集古調歌卷之二

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵

同校刊

池上歌寄諸子二首

芙蓉搖落兮驚素秋
簫鼓殷殷兮泛中流
瞻彼滄洲兮狎白鷗
美人不見兮使我愁
安得與美人相逢兮
採萱草以忘憂

其二

蒹葭蒼蒼兮露為霜
秋風颯颯兮明月光

四顧天地兮何微茫美人不見兮使心傷
安得與美人相將兮折桂枝而徜徉

昔君別

昔君別我兮春草萋萋今我思君兮秋雨
霏霏春秋既已改序兮君胡為兮不歸昔
君別我兮江月陰陰今我思君兮海日深
深日月忽其不停兮君胡為兮無音

今夕歌 四首

今夕何夕兮星稍月明今夕何夕兮得與

美人同行蟋蟀在床兮淒淒則鳴江水浩
蕩兮泠泠其聲何接美人之慇懃兮乃使
我惆悵而愴情

其二

今夕何夕兮露下庭荷今夕何夕兮得與
美人同歌山有木兮木有柯水有鳥兮鳥
有羅何接美人之慷慨兮乃使我淚下而
滂沱

其三

今夕何夕兮日居月諸今夕何夕兮得與
美人同車前有溪兮溪有魚後有園兮園
有蔬何接美人之珮環兮乃使我氣結而
歎歔

其四

今夕何夕兮飛鳥鳴禽今夕何夕兮得與
美人同斟奉清醴兮彈素琴薦上珍兮揚
華音何接美人之周旋兮乃使我情結而

露襟

招隱詞

歸來乎山中他鄉莫久滯君莫慮無衣山
中有蘿薜一解歸來乎山中他鄉莫久繫
君豈慮無舟山中有蘭桂二解歸來乎山
中他鄉莫久延君豈慮無飲山中有甘泉
三解歸來乎山中他鄉莫久羈君豈慮無
殮山中有紫芝四解

昔思君

昔君與我兮同心結髮今君與我兮參商

胡越昔君與我兮鴛鴦同池今君與我兮
南北異枝昔君與我兮月明星燦今君與
我兮風流雨散

送將歸

客子遠役兮駟馬馳駕言長往兮適郊圻
念我同心兮悵有違送君河橋兮牽君衣
問君去兮何時歸恨無羽翼兮同君飛歲
暮不歸兮當誰依

白頭吟

君從何處來遺我明月珠明珠亦何為可
以照光儀光儀君不顧照之令心悲一解
君從何處來遺我綠綺琴琴聲亦何為可
以揚芳音芳音君不聽彈之傷我心二解
君從何處來遺我紫鸞笙鸞聲亦何為可
以揚清聲清聲君不聆吹之感我情三解

車遥遥篇

車遥遥兮馬駸駸送君行兮河之陰望而
不見兮傷我心車遥遥兮馬蕭蕭送君行

兮河之橋望而不見兮俾魂消車遥遥兮
馬翩翩送君行兮山之巔望而不見兮涕
留連車遥遥兮馬駢駢送君行兮江之磯
望而不見兮泪沾衣

萱草詞為伊母夫人賦 四首

萱草離離兮山之陽朱為衣兮青為裳嗟
彼秋風兮起大荒俾其花日飄泊而不可
見兮何以慰此心之彷徨

其二

萱草菲菲兮山之曲曳紫霞兮綴紅玉嗟
彼秋風兮振庭綠俾其葉日凋零而不可
尋兮何以慰此心之躑躅

其三

萱草芬芬兮山之側對芳芷兮遠叢棘嗟
彼秋風兮還以休俾其枝日偃蹇而不可
起兮何以慰此心之嘆息

其四

萱草萋萋兮山之隅雜玄芝兮間綠蕪嗟

彼秋風兮遠以枯俾其根日蕭索而不可起兮何以慰此心之踟躕

宗子相集古樂府卷之三

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵

同校刊

雉子斑

雉子斑斑乃游水湍朝游水北暮游水南
五色其羽文何翩翩嗟彼王孫來游江干
須臾盼之忽焉見殘雉子向言有鳥在天
爾胡我殘有鴻在沼爾胡我殃嗟雉子爾
無言爾懼我殘爾懼我殃誰令爾斑

